

Medijacijom do 18 miliona KM

U organizaciji Međunarodne finansijske korporacije (IFC) jučer je u Centru za medijaciju održana prigodna svečanost povodom završetka pilot-projekta "Uvođenje medijacije u Osnovni sud Banja Luka i Općinski sud Sarajevo".

Predstavnici IFC-a poklonili su na trajno korištenje Udruženju medijatora u BiH bazu podataka za vođenje evidencije medijacije, promotivne materijale i web stranicu www.um-bih.co.ba.

IFC regionalni menadžer za jugoistočnu Evropu i centralnu Aziju Antan Kursel-Labro je istakao je da se IFC posebno fokusira



Čolak: Riješeno 350 sporova

na osposobljavanje medijatora u sferi privrednih medijacija, gdje vrlo često dugotrajni sudski sporovi blokiraju rad preduzeća.

Ministar pravde BiH Bariša Čolak je naglasio ka-

ko Ministarstvo u cijelosti podržava razvoj medijacije i pravosudnog sistema, jer se uvođenjem medijacije brže, efikasnije i jeftinije rješavaju sporovi.

- Uspostavljanjem Centra za medijaciju u Banjoj Luci i Sarajevu, postupak medijacije je uspješno okončan u 350 sporova. Na taj način oslobođen je iznos od 18 miliona KM koji će ponovo moći biti investirani u privredu - kazao je Čolak.

Dodao je da su sudovi zatrpani sa oko dva miliona neriješenih predmeta, te kako bi se medijacijom brže i lakše došlo do njihovog rješavanja.